

ցիս խրատել, ի ձեռոք քո եմք յամենայն ժամ: 52 Քաւեա, Տեր, զանաւրենութիւնս զմեղս եւ զյանցանս ծառայից քոց. զի ո՛վ իցէ այն մարդն, որ ոչ յանցանիցէ կամ մեղանչիցէ առաջի քո. զի ոչ ոք իցէ արդար ի վերայ երկրի, եւ ոչ ոք է մինչեւ ի մի: 53 Չի դու միայն ես, որ առանց մեղացոյ ես. եւ քո միայն արդարութիւն, որ արարեր զմեզ յոչընչէ, եւ ածեր զմեզ յայս կենդանութիւն, եւ ցուցեր մեզ ճանապարհս կենաց եւ փրկութեան, եւ զհողս այսպէս իմաստունս եւ խաւսունս արարեր. եւ եղեր ընդ մեր փրկանք, զի անմահութեան վիճակին հասուցես զմեզ: 54 Յիշեա զեկեղեցի քո՝ զոր քո սուրբ արեամբոյ ստացար, զի մի՛ զնուիրեալսն քեզ ի ձեռս շանց մատներ¹. այլ յամենայնի է ուղորմութիւն քո, դարձցի սրտմտութիւն բարկութեան քո յուխտէ քումմէ, եւ փրկեա զեկեղեցի քո, Տեր Աստուած մեր:

55 Արդ մինչ դեռ կայր ի վերայ լերինն, զայս եւ այսպիսի եւ որ ինչ նման է այս բանից՝ աւելի եւ բազում քան զոյն խաւսեցաւ, մինչ դեռ կայր առ նմա թագաւորն Պապ ի վերայ լերինն. բազում եւ ազգի ազգի եւ պեսպէս աղաւթս մատուցաներ մինչեւ ցերեկոյն եւ ի մտանել արեգականն, մինչեւ վաղճանեցաւ ճակատն:

56 Այլ ի պատերազմին աւզնական Աստուծոյ հասաներ ի վերայ Յունացն, եւ հայաստան գնդին լինէր յաղթութիւն, եւ ի պարտութիւն մատնեցաւ գունդն Պարսից. դարձան ի փախուստ, ցրուեցան սփռեցան դաշտաց՝ լերանց բարձանց՝ խորոց ձորոց: 57 Ապա զհետ նոցա լինէին զաւրթն Յունաց եւ Յայոց. հասանէին, զմեծ եւ զփոքր առ հասարակ սատակէին. բայց սակաւք ի բազմաց քաջածիք փախստեայք լինէին: 58 Ապա զհետ լինէին փախստեիցն զաւրթն Յայոց, եւ մինչեւ ի Գանձակ յԱտրպայական ի սահմանս Յայոց հալածէին զգաւրսն Պարսից. ընդ փախուցեալսն զբազումս սատակէին զճանապարհայն: 59 Եւ Մուշեղ սպարապետն Յայոց հարկաներ զգաւրսն Պարսից ի հարուածս անհնարինս. սպաս արարեալ եւ դիպեր գնդին Աղուանից, եւ առ հասարակ զամենայն զգաւրսն սատակեր: 60 Եւ հասաներ Ուռնայրի արթային Աղուանից ի փախստեանն, եւ նիզակաքնան ի կառափն մատուցեալ ծեծեր բազում, ասելով՝ թէ այդմ շնորհս կալ², զի այր թագաւոր ես, եւ թագ ունիս. ես ոչ սպանից զայր թագաւոր, թէ կարի նեղ հասցէ ինձ: 61 Եւ ութ հեծելով թոյլ ետ նմա փախչել զնալ յաշխարհն Աղուանից:

62 Այլ յորժամ դարձան ամենայն զաւրթն Յայոց, ոչ գոյր չափ գլխանոյն ախոյենիցն՝ զոր բերեալ էր առաջի թագաւորին Յայոց Պապայ զաւրավարն

1 Յօրինակի միում մատնեցես

2 Յամենայն օրինակս՝ շնորհակալ